



Ofisina Sentral di Statistik

Informashon : (+599 9) 839-2300

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: cbscur

Komunikado pa Prensa

Willemstad, 07 yanüari 2025

CBS ta publiká e sifranan di preis pa konsumidó pa luna di novèmber 2024 riba su wèpsait

Willemstad – For di sifra ku Ofisina Sentral di Statistik (CBS) a publiká awe ta indiká ku preisnan di konsumido a baha na luna di novèmber 2024 ku 0,6 porshento kompará ku òktober 2024. E sifra di inflashon na luna di novèmber a subi ku 2.9 porshento.

Desaroyo di preis for di luna di novèmber 2024 kompará ku òktober 2024

E sifranan di preis di konsumidó (CPI) pa luna di novèmber 2024 a baha en komparashon ku esun di luna di òktober 2024 ku 0,6 porshento, e sifra di preis di konsumido na novèmber 2024 ta 103,1 (na luna di òktober e tabata tambe , 103,7).

Preisnan di kasi tur kategoria di konsumo a baha na luna di novèmber 2024. E kambionan di preis mas importante na luna di novèmber 2024 ku a baha ta:

Bibienda (-1,5%),

Muebilario i kosnan di kas (-1,3%),

Salubridat (-0,5%),

Rekreashon (-0,3%).

Mas barata a bira e siguiente kategorianan di konsumo; Transporte i komunikashon (0m1%). Preisnan di kategoria Kuminda a keda mes un kos (0,0%).

Desaroyo di preis riba término largu

Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna na e luna konserní ku e CPI promedio di 12 luna na e mes luna e aña anterior. Midi pa e periodo di luna di novèmber 2024, en komparashon ku e periodo similar un aña anterior, e preisnan di konsumidó promedio a subí na luna di novèmber 2024, ku 2,9 porshento. E promedio di CPI di 12 luna a subi di 99,7 na novèmber 2023 na 102,6 na novèmber 2024.

Pa mas informashon, por fabor bishitá e wèpsait di CBS (www.cbs.cw).

////////////////////